



稷山縣

明李公讓

濮州人中書省掾洪武二年知縣勤慎公廉修舉廢墜後調江西新喻縣民攀戀不忍其去

茹伯賢

陝西選貢八年知縣律已廉潔學校壇廟多所修飾調大興縣陞薊州知州

董威

同州舉人永樂七年教諭教人有法士多樂從祀名宦

林軒

樂清舉人十六年教諭學問老成講明忠孝大節士類丕變祀名宦

胡士寧

樂平人景泰元年知縣以廉幹稱修築城池民不為勞祀名宦

張諒

鹿邑貢士天順八年知縣甘淡薄興學校革弊祛奸敷德施恩陞知吉州民泣留載道祀名宦

吳佐

西安舉人成化初教諭學問博洽誨人不倦

來亨

胙城舉人正德五年知縣明敏廉介陋規裁省甚多築城池戢賊盜民咸德焉祀名宦

王松年 寧夏監生十四年縣丞時回賊入境松年督民兵捕禦被害人咸哀之

李棠 清苑舉人嘉靖三年以員外郎謫典史政尚嚴明志甘清苦均里甲減徭役有德于民祀名宦

高義 葉縣舉人八年知縣廉平公謹吏畏民懷時值大饑賑濟有法民賴全活祀名宦

于藁 長垣舉人除武陟知縣二十三年以賢能調知本縣性剛直不受賄囑興學校禁奸頑剖訟如流催

科不擾增築城池民不知勞僉為樹石記功陞蔚州知州祀名宦

溫季春 涇州監生二十三年縣丞持身勤慎佐政公平清苦之操九年如一日催科不擾祀名宦

楊文卿 藍山舉人二十六年知縣博學工詩清慎勤幹興學校檢吏胥令之良也陞都察院經歷

杜萬斛 新蔡貢士三十八年知縣性剛政簡清潔之操雖老靡渝

孫倌 安化舉人四十五年知縣剛直明敏百廢俱興修城浚隍申減酒課及倍征賦稅民受其賜陞主事

李汝器 葭州選貢萬曆元年知縣會檄取代徵文嵐徭銀甚急力抗不起民德之陞韓府審理

王無逸 獲鹿舉人四年知縣廉靜寡言催科無擾修葺學宮壇壝填城濠浸水城賴以固陞解州知州

劉圻 大興恩貢八年知縣慈祥真醇廉潔自勵日用薪米諸費估直親給不妄遣役胥下鄉勾攝錢糧視

所輸多寡為獎懲不鞭朴而額足訟獄別其曲直曉以大義令自和解贖緩毫無所問即負者無不手加額去

時行田間察疾苦考勤惰葺治溝洫津梁而性喜談經術集青衿于泮宮衡其文藝講究意義去之日行李蕭

然立祠東郭外歲時祀之

王準 同州舉人八年教諭氣度冲雅身範端嚴雖尺寸不踰人人以為親已而不敢犯以非禮束脩餽遺

一切不較勤誨迺寒暑不休至今士有餘思文望赫奕壬午分考應天試所得多知名士後陞保定知縣

馬懋 安丘恩貢十年知縣清勤正大剛斷敢任時值年荒請賑倍于隣邑杖殺巨盜王邦清置諸大豪於

法人人稱快申減文水嵐縣代徭銀七百餘兩永不起徵尤稷民萬世之澤也卒于官哭聲震地祀二公祠

**殷煉** 長垣舉人十二年知縣恬靜不擾時均丈地糧勤勞著績以憂去

**陳堯賓** 遵化吏員十一年主簿幹局絕敏丈田多所擘畫十五年大荒盜無巨細悉籍其名有犯無不

立獲者羣盜股慄避跡境中賴以安枕陞齊河縣丞

**董繼祖** 洛陽進士十五年知縣時值大荒道廛相望力請上官暫停催徵凡犯盜者無巨細悉置之法

境內安堵後調清源縣

**苗應元** 武定舉人十七年知縣大荒之後撫民如子凡民間疾苦惻然動容竭力祛除徵收火耗纖毫

悉革風裁凜凜吏胥無所售其奸年餘卒于官稷民如失怙恃今祀崇陰祠

**劉一相** 長山進士十九年知縣以左遷至愷悌慈祥纖塵不染雅意學校拔士之雋者課誦讀躬講解

大冬大夏不輟人思自奮以不與為恥去之日百姓卧轍泣留數日始離境陞南京兵部主事祀崇陰祠

**李希召** 蘭陽進士二十一年知縣明察敏斷剖決如流燭奸弊如神明不事嚴苛而吏畏民懷絳藩歛

手不敢虐稷者二年尤厚士類賑貧乏助婚喪冤抑輒與伸雪調合水縣今祀崇陰祠

**王豫立** 涇陽進士二十四年知縣溫醇端雅慈愛精明時礦使四出大璫將臨稷妄云鳳凰山銀可採

公走使從中調之璫遂止且戒原奏者勿得肆毒稷境會檄條鞭起徵僉謀士民不便力為申請得不行以憂去囊無一錢士民攀送有號泣者有生祠

**徐化** 唐山貢士二十六年教諭春風氣宇足以消人鄙吝而詳練老成察察師弟之間雍雍肅肅如也

**陳大烈** 丹徒監生二十七年縣丞清慎自勵催徵常例悉却之署縣篆境內帖然鷄犬不驚與人溫雅

可掬而才幹明敏諸施為悉當人意去後民猶思之祀崇陰祠

**吳峻** 鳳翔舉人三十四年知縣性淡泊往來謁叅止用皂隸三四人卽日用米薪皆當堂予直不設支役立大社集開薛村渠凡有便於民亟興之有不便於民亟革之視事八月以憂去祀棠陰祠

**薛承教** 咸陽進士三十六年知縣剛正不阿遇事擔當興除無遺力申減站銀建汾橋造青龍閣八閱月陞南京戶部主事有去思碑

**張思恭** 許州舉人三十七年知縣才猷明敏發奸如神時方大旱請賑於上遍歷窮鄉閱民疾苦狀慮

分拆耗折出俸銀以足其數躬爲給散里胥無所售其欺創置學田五十餘畝以周寒士審編均徭封閉吏書於後廡獨坐堂上執簿檢閱令民盡所欲言逃者亡者廉真悉除豁之偶有上下無不恰當前任薛令申減加倍站銀蒙批查問以擢去思恭力請于上竟得免銀一千兩至如剖訟獄之狡偽革收頭之侵尅察庫吏之乾沒廢銀匠之傾銷人尤稱快陞延安府同知

**焦浴** 寧夏貢士天啓四年知縣才猷英敏發奸摘伏豪橫歛跡蠹役肅清稷民貧每逋國課浴結以恩信

爭先輸納時絳宗悍虐環稷皆爲魚肉迺取最橫者置之法終浴之任民免其害後陞潞安府同知去之日老稚悲啼載道至今尸祝不忘

**李燧庭** 肥鄉貢士崇禎二年知縣廉靜慈祥時流寇作亂燧庭率鄉民晝夜登城捍禦稷人賴以安全

**國朝楊之柎** 良鄉舉人順治二年知縣長才大畧剖決如流當草昧初定流亡未復之初招徠撫綏井

井有條尤念稷土瘠戶稀蕪田苦累力請上臺疏免荒地糧若干稷人賴之以甦陞戶部主事祀名宦

**張拱端** 完縣恩貢七年知縣時土寇蜂起邑民逃竄一空拱端單騎就任招募士民不數日人煙如故

又于鄉城練兵數百集力擒捕以故盜寇屏跡境土得安政尙和平撫字催科兩得其法未幾以細故去百姓感其捍禦之恩泣留不忍別至今思之

姚延啓 烏程進士十年知縣博學弘才虛懷善下崇行誼風節弄獎勵子衿遠絕嶋蠹凡政以和平爲

主兵燹後士不知學立采蘭社課藝親定甲乙一時多所成就十三年 欽取工科給事中

畢際有 淄川恩貢十四年知縣英敏精詳嚴威果斷恤孤窮禦強暴吏畏而民服之

韓應恒 安丘舉人十八年縣丞雅懷高致篤厚慈和憫城夫寒苦設處煤租四十兩每冬取煤息以供

城夫至今賴之陞長興知縣

朱天爵 奉天例監康熙十八年知縣勤慎嚴明捐俸建立義學革除錢糧拆封陋規及驛馬私派申飭

保甲民賴以安陞都察院經歷去任日士民皇皇如失慈母

梁永淳 容城舉人二十二年知縣政尚寬和以清靜爲理于士之貧寒者必加以作養念稷民窮困于

縣治前設市廛以通商販開水渠以濟農力五年行取工部主事遇出都者猶惓惓以稷民爲念

絳縣

明張居彥 上虞舉人永樂十九年訓導學行俱優名實並茂累陞福建僉事祀名宦

劉智 長城監生正統十四年知縣政治公平歷任九載民奏留增六品階又九載懇告歸里邑人思慕之

祀名宦

張幹 舉人正統間訓導

陳能 安化舉人成化七年知縣有功民社政績茂著祀名宦

蔡蓁 東萊人七年訓導勤課士業督修學宮祀名宦

張瑄 華陰舉人二十一年訓導敬以持已勤以課士陞國子監助教代府長史祀名宦

蘇昱 武邑監生弘治十八年知縣剛毅果斷立城市集場祀名宦

史章

咸陽舉人正德三年教諭勤敏課士祀名宦

王一麟

青神進士七年知縣政平訟簡和易近民暇日與諸生講解課業遇景吟咏文章政事獨擅一時禱雨多應事蹟甚著陞戶部主事祀名宦

包得仁

蒙陰舉人九年知縣法令嚴明豪強懾服繼調文水祀名宦

毛纘

長垣舉人十四年教諭溫溫持已循循教人祀名宦

李光遠

平山監生嘉靖十三年知縣公介廉慎始終不渝改建學校新縣治幕所鐘樓民不知勞政績顯著陞平涼府通判民遮留垂涕而送者百里不絕祀名宦

苑汝清

饒陽監生嘉靖間主簿廉直不苟取時有苑青天之頌

王思治

同州舉人萬曆三年知縣嚴除賊盜

徐三畏

任丘進士五年知縣惠政甚夥後在固原總制恒念絳人不置思膏常沾溉焉

崔儒秀

字敬初陝州進士三十三年知縣敏捷有膽識發奸摘伏如神吏民憚之課士勤而指授有法一時文風丕振曾申華代鄉寧安邑輸納之苦調翼城累陞開原道遼陷殉節死贈官蔭子祀名宦

高雲程

思縣舉人三十八年知縣廉慎不苟

張騰

萬曆間教諭好學問善課士陞國子監典簿

劉繩祖

汝陽舉人萬曆末知縣清勤過人陞薊州知州

牛耀台

魏縣貢士天啓間知縣潔已愛民好學敬士陞葭州知州

劉孔彰

晉州人天啓間教諭和藹可親

凌必達

烏程人天啓間縣丞敬士愛民

杜璜 漢陰人天啓間訓導精密詳慎

王敏 邠陽貢士崇禎間知縣遇事諳練斷獄明決

國朝崔珩 壺關人順治三年教諭土寇破城守節殉難

楊鴻謨 奉天貢士八年知縣清介有風力人不敢以非義干之

吳昌仍 桐城貢監康熙十五年知縣秉性清正慈以御下值軍興旁午徵會百出委曲曉諭民無怨咨

內陞中書

垣曲縣

明崔弘毅 丹徒儒士洪武初知縣時羣盜蝟起設法弭之民賴安堵陞湖廣按察司僉事祀名宦

劉玉 同州人洪武間主簿清謹誠篤不避艱險

李哲 正統十年知縣展拓城池民賴保障祀名宦

張鎔 安陽舉人景泰元年訓導學優教勤陞平原教諭太原教授祀名宦

朱凱 肅寧監生五年知縣興學勸農茂著功績陞南京太僕寺丞祀名宦

董仁傑 河間舉人成化元年教諭課教嚴勤終始無倦陞兗州府教授祀名宦

馮俊 錦衣衛舉人七年教諭口不談利身不倦教陞獲嘉知縣祀名宦

茹紹賢 鳳翔人二十二年知縣明斷廉能豪強屏跡陞薊州知州士民樹碑鑄像祀名宦



吳璇 高唐舉人弘治九年知縣器度恢弘才識卓異建倉庾增學舍陞河州知州西安府同知祀名宦

鄧中和 膠州舉人九年教諭學行優長教化丕振陞禮部司務懷慶府同知祀名宦

王鏞 臨清人正德四年縣丞展築城池民賴保障陞靜樂縣

吳鴻翬 洛陽人正德間訓導樂育諸生詩文自娛

李本忠 松滋舉人五年知縣纂修縣志

李良翰 歷城舉人九年知縣法嚴除奸

王珪 鹽山人九年典史公慎廉幹

李袞 南昌舉人十四年知縣繼修縣志

蕭廷儀 信陽人嘉靖間教諭輕財重義士類咸服

張恪 觀城舉人三十一年知縣清操善政以才調萬泉

閻楚 大名舉人三十二年知縣談經飭治除暴綏良

李琮 武城人嘉靖間教諭清淑謙冲好賢禮士課藝傳經陞房山知縣順德府知府

劉士適 中牟人隆慶間訓導日親詩書絕口不言利

陳誨 太原人萬曆九年教諭器質渾厚教學優長

徐臬 整屋舉人萬曆間教諭冲襟雅度思義兼施

趙文炳 任縣舉人二十一年知縣學得宗傳治本經術行取御史巡按山西祀名宦

張翼 平遙人二十一年訓導朴貌古心重義輕財

仝梧 邳縣進士二十六年知縣才識超卓政教嚴明課士賙貧修堤捍患陞評事歷戶部員外

王曰然

太原人萬曆間教諭謙恭持已平易與人

呂恒

德州舉人三十五年知縣續修縣志惠愛士民陞鞏昌同知民立生祠

李國相

永平人三十八年典史慈和練達

喬中和

內丘選貢四十一年知縣器宇溫恭法度整肅陞汾州通判崇禎朝當道交薦理學大儒將大

用忽卒

梁綱

嵩縣舉人四十五年知縣立會講學潔已愛民

申鐸

平順人萬曆間訓導未雕未鑿可模可範

馬鳴陞

陝西人崇禎三年典史團練鄉勇捕賊有功

改自宏

甘州選貢五年知縣邑屢被寇掠民不聊生七年三月間饑民千餘嘯聚山寨自宏同范中軍

督官兵鄉勇攻破賊寨殺其首惡餘招撫歸農

秦宗文

武陽人五年典史勦賊陣亡祀忠烈祠

尹三聘

晉州人十三年教諭文章德行多士樂宗卒于官時論惜之

國朝張文德

奉天生員順治三年知縣刑清政簡端已愛民卒于任士民感之建祠致祭

周茂覺

山陰人三年典史剛正敏捷贊政著績增修廳署六年殉難

黃縉

靜樂人三年訓導六年城破殉難

李榮宗

費縣進士四年知縣禮士愛民鋤強獎善民歌慈母吏畏神君值六年姜逆之亂城陷罵賊而

歿後上聞嘉其忠烈贈按察司僉事祀省會忠烈廟仍廕一子入監

邵起鳳

奉天貢士七年知縣時賊盤踞垣境一載哆囉王至將盡屠垣民公哀懇王前曰恢復其地無

民何益王允奏全活

徐繩武

朝邑恩貢八年知縣慈惠和藹平易近民

秦樂德

三原進士十年知縣清廉仁慈因荒糧累民力請蠲免流離復業垣民感德

王炭

沁源人十年訓導耿介清操矯矯不羣歷陞海澄獻縣知縣

孫世蓋

興縣人十二年教諭威儀可式善誘多方捐俸修學陞崇仁知縣

呂崇簡

永康恩貢十三年知縣慷慨豁達政持大體

董爾性

洛陽恩貢十六年知縣明英果斷釐奸剔弊創開城東水利增修舜井古廟有生祠陞知州

紀弘謨

開原衛廕生康熙三年知縣寬厚廉明慈惠純愨奸盜屏跡教化大行捐俸建城修輯縣志

李有長

富平人五年典史諳練捕務勤謹奉公惜物力甘淡薄垣民感之

霍州

明呂稷

濟南人洪武初州同尋陞知州凡廨宇學舍壇廟皆其創建

馬士能

洪武末州同增修學廟州人立碑記之

范禎

交趾人永樂間欽賞州判愛恤孤貧教藝桑麻後陞沁州知州

曹端

字正夫號月川澠池縣舉人永樂間學正篤尚禮教務躬行實踐所著有四書詳說太極圖通書西

銘釋文弄經述解性理文集儒家宗統譜家規輯畧存疑錄夜行燭等書座下足着兩磚處皆穿君子謂專靜之功居多在霍十餘年士皆服從其教雖郡人咸薰其化後服闋補蒲州學正考滿霍諸生上章乞任蒲諸生亦上章爭之霍州先上得允竟終於霍一郡罷市巷哭童子亦悲泣正德中大司馬彭澤稱端為明理學之冠欲舉從祀孔子廟庭生平嘉言善行詳具名臣錄中祀名宦

蔡郡 江西舉人景泰間知州有惠政

吳榮 江陰人中北直解元天順元年學正學優教勤屢聘分校稱得人詩文琴書皆所長當路器重之

崔明 見萬泉

王畿 新鄉人成化間州同有善政

張紀 弘治間知州一切公署皆係重修

劉橘 獻縣舉人嘉靖二十三年知州有德政後陞臨洮府同知士民泣送者塞於途

褚相 海寧進士三十五年知州篤於愛民嚴於嫉惡留意士習著四書膚解尚書題義批選會墨創建霍山正學院講習其中寒暑不輟撫按交薦士民立祠祀之

趙誠 醴泉人嘉靖間州同明敏廉幹

李春 臨漳舉人三十九年知州均田糧平盜賊均產差營建公署增拓學校毀淫祠輪編夫各臺獎薦

張鑑 陽谷人嘉靖間吏目廉幹有能名後陞臨潁主簿

許仁 靈寶舉人隆慶間知州潔已愛民平刑輕賦性喜咏吟蒞任未久辭官歸

吳過 寧夏舉人萬曆間知州仁政善教時有穀秀雙穗之異修本州鼓樓

高鳥 邠縣舉人萬曆間知州捐俸建修鼓樓

高應奎 昌平人萬曆間吏目居官廉謹

張遂 華州舉人萬曆間知州德政廉明發奸摘伏歷久稱頌不衰

楊楠 蓋厓舉人萬曆間知州莊嚴簡正立社課文科目振興倡明心性之學力請故學正曹端從祀孔廟

鄒一麟 滑縣監生萬曆間吏目捕盜有功陞濟源主簿

張夢鯨 蒲城舉人崇禎間知州蒞官九載愛民禮士始終如一

韓中孚 陽山選貢崇禎間知州係忠臣韓成之裔文學爾雅待士有禮百姓歌之

丁時學 北京人辟舉崇禎間知州積學長才釐奸剔弊

侯鼎祿 良鄉人崇禎間州判質直勇畧署本州事闖賊兵過堅志守禦城陷被執不屈而死

國朝王來覲 奉天人原任河南分守道順治五年補任本州潔已愛民不阿權貴六年城陷血戰而死

州人建祠祀之以申報遲未蒙贈卹祀省忠烈祠

劉浩 奉天廕生十四年知州勸諭有法不事催科官養驛馬親解正供優禮學校加惠黎民

習全史 同官進士十四年州判清慎廉能愛民禮士

竇復僖 沁水舉人順治間學正修學課藝創建明倫堂

查振宗 奉天廕生康熙十一年知州蒞霍五載盜賊遁跡逃移復業勸耕給牛供應大兵省費甚多

葉九思 奉天人三十一年由通判陞知州言詞明敏性量寬宏設義學以恤單寒立鄉約以曉愚衆鑄鐵牌而賭博息嚴保甲而盜賊寧擢大同知府

吉州

明許志昇

洪武六年知州修學宮治壇壝開國之良牧

高選

高陵進士正德七年知州弘才博學課士撫民調臨清州

虞文翊

義烏舉人嘉靖八年知州六事兼舉百廢俱興調解州

宋蕃

寶應監生十七年知州奏減糧價民受其福

蔣暘

安樂進士二十一年知州治先教化使民無訟優崇學校增築城垣有功於時陞陝西僉事祀名宦

龐經

嘉祥舉人二十三年知州清廉慈惠民歌父母

包鍾

乾州人嘉靖間州判事母以孝愛民以仁創築外城公私不動一錢祀名宦

左達

莘縣舉人嘉靖間學正學有淵源教有程式

劉璉

安樂縣人嘉靖間學正因才善誘人文聿興

李瑚

霸州舉人萬曆七年知州資性溫雅不事華飭政教寬仁利欲不染陞潘府長史

孫溫如

濱州進士十一年知州冰檠禔躬龐澤福民甫歲餘以憂去民甚思之

張應春

華州舉人四十三年知州政寬刑清風移俗易

張秉同

鎮平人萬曆間學正賦性剛果正大不阿

辛繼先

襄城人萬曆間學正一介不取一言不苟忠厚正直祀名宦

麻一鳳

宣城舉人天啓間學正博學弘才剛方正大

國朝崔起鵬

奉天生員順治四年知州清年秀質蒞政有條陞青州兵備道

鄉寧縣

明荆守正

洪武八年知縣修置有功

王暉

狄道人永樂間主簿廉潔慈祥撫字有方民懷其德歷久頌之

寇恕

字道中中部人成化間教諭性簡靜深明易學立條約敦本實陞綿竹縣

崔瑞

東鹿人弘治間知縣修廢起做政治一新

党爵

朝邑舉人正德間知縣才堪治劇調曲沃

趙元

汲縣監生正德間知縣敷政公廉創建城池陞本府通判

王揚

高陽舉人嘉靖元年知縣蒞政勤慎造士愛民

王賢

汶上舉人嘉靖間知縣蒞政寬嚴相濟

楊鵬 北直新城舉人嘉靖間知縣修學愛民性平涼通判

張思正 洛南人嘉靖間知縣蒞政寬平

宋晨 順天人嘉靖間教諭能詩翰善訓士

楊九臯 涇陽舉人嘉靖間知縣才守兼全吏民頌之

張雲從 秦州舉人嘉靖間知縣政尚嚴毅奏減民賦吏民思之

王用儒 滿城人嘉靖間訓導操守清純立教有方陞平陸教諭

劉旁 興國州舉人嘉靖間知縣溫雅有度重學愛士

馬秉直 三水選貢隆慶二年知縣有平土賊功

張一敬 朝城舉人六年知縣精明歷練強毅有為減賦清田民懷吏畏為一時循吏冠祀名宦

吳宗堯 隆慶間典史善於捕盜克盡其職

李枝 咸寧舉人萬曆四年知縣均賦役賑荒歉興學育才築城濬河政簡刑清吏民懷之陞大名通判

劉昇 萊陽選貢九年知縣清淨淡泊癯然寒素置學田四頃四十餘畝有碑記陞邠州知州

樊士禎 永壽人萬曆間教諭勤考課振土風陞鳳翔教諭

崔允恭 膠州選貢十三年知縣廉明剛果政尚寬平陞保定通判

梁隆吉 長安舉人萬曆間教諭工詞翰興後學登壬辰進士

焦守已 青城舉人十七年知縣心體正大政兼寬嚴刑清訟息吏習民安興學校清稅糧修廢陞發隱好士庶懷之陞平涼通判

黃邦材 浙江建德人萬曆間典史清勤謹恪



王承教

朝邑舉人二十二年知縣端雅精詳為刁悍所誣士民惜之

唐允中

咸陽舉人二十四年知縣詰奸除暴法在必行申減窳課民被其德以憂去人恒思之

楊亨

秦州舉人萬曆間教諭博洽勤謹接物溫和經藝課士風節勵人

李時茂

乾州舉人二十六年知縣節愛恤民嚴明馭吏才猷敏練百廢具興創修常平倉養濟院儒學

號舍時有李青天之日

白添岐

渭南人萬曆間典史佐治惟廉隨所委任無不辦治

彭萬里

景陵舉人三十四年知縣廉明而不苛愛民作士陞漢中同知

范愛

閩鄉人萬曆間典史委用勤慎

高城

清苑舉人三十八年知縣正大光明去奸庇民以忤上去任

王家柱

偃師選貢四十一年知縣平易近民陞饒州府通判

丘巒

神木人萬曆間訓導老成忠厚教範謹嚴

紀大緒

文安歲貢萬曆間知縣和平恬雅

秦一藩

蒲城舉人萬曆間知縣嚴明敏決調繁太平

王承惠

開平衛歲貢萬曆間知縣才識熟練期月被論士民稱寃

陸宗贊

江陵舉人萬曆間知縣純篤學者以讒被論

張文熠

褒城歲貢萬曆間知縣有古長者風卒於任

吉三重

華州歲貢萬曆間知縣忠厚純慤

楊偉績

萊陽歲貢崇禎間知縣有才識有膽力調繁聞喜

趙良有

河曲歲貢崇禎間教諭品格清潔襟懷灑落

楊家龍

曲陽選貢十年知縣真心亮節卓然自立值流寇蹂躪之餘饑饉洊至人民流離地土荒蕪家龍竭力拊綏招徠開墾調劑多方民始復業

國朝王昌運

沙河貢士順治二年知縣真率有守旋遭賊害邑人惜之

張士彪

奉天生員三年知縣實心實政為國為民革除濫征禦寇有功去後民思之

王翰

吳橋進士五年知縣賦性倜儻存心廉潔造士撫民可以為法

侯世爵

錦州貢士十七年知縣姜瓖之變衛賊據城焚掠殆盡世爵手平禍亂輯暴安民鄉寧再造皆其

力焉

崔俊

奉天貢士九年知縣禍亂之餘瘡痍甫定撫綏招徠備極籌畫陞莒州

張昌慶

汾陽舉人九年教諭勤學課士品格清高

莊際耀

晉江舉人十四年知縣仁慈淳厚真古君子

徐杆

蓬萊進士十五年知縣精明果斷治績著聞

章羣

定遠舉人康熙元年知縣立心仁慈導人以善撫字小民作養士類以病去人皆思之

高爾行

岢嵐州歲貢四年訓導性格嚴正博洽好古

隰州

明墨春

字景芳高陵舉人成化元年知州仁以御民嚴以

董瑜

內黃舉人四年知州為政寬嚴得宜百廢俱興歷

吳智

字毅齋餘姚進士正德間以工部郎中謫隰州時

願輸粟者悉貯以待貧民不時之需饑者得食流者得

黃傑

淮安舉人嘉靖十五年知州法施于強暴思施于

陳大濩

長樂進士十九年知州重學校抑豪強輕徭恤

葛鑰

寧國歲貢三十五年州判得陽明之真傳扶良知

宗傑

淮安舉人三十六年知州興利除害遏惡揚善派

劉世載

西安人嘉靖四十一年訓導博覽羣經雅稱師範

季遐齡

夏津舉人隆慶二年知州廉以律已恕以及人一介凜持四知克畏甫二載餘擢冀寧道

賈漢如

邢臺人萬曆十四年學正氣度端凝雅稱師範

張良武

健為歲貢十五年州判學博才宏崇儒重士

王選元

涇陽吏員十七年州判催科不擾處斷有方

隨大經

商水舉人二十年學正言規行矩多士儀型

張四紀

涇陽監生二十五年州判嚴肅無私催科有法

范守已

涇川進士初督學三晉品操不爽歷陝西參議二十九年左遷知州事崇大體不屑煩瑣

張嘉謨

城固舉人二十六年知州嚴以釐弊寬以安民修州志除荒租士民至今不忘

陳正言

興濟選貢三十四年知州清廉自飭威惠並施士民至今思之

葉萱

西安監生三十四年吏目丰姿儒雅恪守官箴陞主簿

常永清

介休人三十七年學正行足程士量能容人

王茂錫

涇縣舉人三十八年知州志潔性廉德純量溥修理城池督葺學宮率多美績調雲南寧州

焦思正

淇縣選貢三十八年州判性直政敏豪橫帖然

呂來陽

順天人三十八年訓導制行端方

周可指

襄城人三十九年學正淳厚無偽對之如坐春風

岳一棟

內黃選貢四十二年州判慈心質行敝屣功名甫一載致仕

楊位

長治人四十二年學正方正自勵時雨化人

儲至俊 字賓賢靖州選貢四十三年知州植桑麻勸紡  
織修大觀樓開東門建文昌閣修學宮鑿泮池  
勸尊經閣招來流移輕徭薄賦貧民逋賦者咸歸復業  
焉

楊起鳳 寶鷄舉人天啓七年知州重學校抑豪強修黃  
路溝水利於學宮前南城上建三筆峯陞嘉興  
同知士民攀轅流涕不已

楊瑋 祥符恩貢崇禎四年知州五年八月流賊李自成  
八大王等自大寧襲隰州守備高逸開北門逃去  
瑋獨力自守射傷賊甚多

周培忠 興平選貢七年知州當流寇陷城之後荒蕪觸  
目民私祝曰必得一清如水者來官此地可保  
萬全培忠至果如民願培養元氣萬民復業

國朝王添貴 奉天貢士順治六年知州值姜瓖叛亂之後  
土寇聚眾為害添貴領大兵由汾西先勦其

穴始赴州任主將議欲屠城添貴哀懇得免增修城垣  
易堞以磚陞懷慶知府歷任蘇松西寧等道

白崇周 奉天貢士十三年知州政尚寬簡心存仁恕有  
犯不能取保者崇周曰本州自保可依限而來  
犯果如期而至士民至今思之

胡文煥 號宜彜奉天舉人康熙四年知州秉性愷悌凡  
不便於民者盡為嚴革繕黌宮修城垣葺衙舍  
課文藝善政甚多

張綏遠 廣寧監生二十一年知州為政嚴明人不敢欺

鄭恂 豐潤進士三十七年知州刑不濫用人蒙其惠

大寧縣

明郁傑

洪武間知縣重修文廟創建預備倉養濟院各舖舍

霍毅

蒲城監生永樂初以刑部員外出任知縣公平忠厚剖決詳明以縣地磽瘠勸植桑棗興利除害民皆安業陞僉事祀名宦

劉紹宗

武城人弘治間知縣政教兼舉甚得民心治聲藉甚九年考滿民不忍捨赴部保留復任三年

祀名宦

艾芳

米脂監生弘治間知縣居官清慎嚴明重修城池去之日民不能忘立石頌之

邵蕙

寧州舉人隆慶六年知縣重築北寨建高覽樓增西關城門凡三於北寨內建書院一所於小寨中置倉舍九間又築南門外石堤一帶以障河水堅固久而不泐陞真定通判祀名宦

蔡天祿 通州監生萬曆元年知縣裁商稅招流移旱禱輒應電不為災陞代府審理正湖廣人萬曆間教諭博識能文捐俸修學

趙鏡 山陰恩貢天啓間教諭善書畫詩文以才名見知于世

主中道 崇禎間教諭訓誨有方壬申闖賊陷城殉難不屈

史掌文 良鄉人崇禎間典史督修城池捕巡不擾壬申流寇陷城不屈而歿

王象明 山東新城歲貢十三年知縣才具優練尤勤課士

國朝潘鳳翼 奉天貢士順治四年知縣才幹明敏綽有惠政

徐士鸚 浙江人六年典史姜賊破城殉難妻子亦遇害

吳興祚 奉天貢士十二年知縣愛養百姓雅重斯文請汰荒糧修葺文廟陞沂州士民感之

馮應泰 字儀生延長貢士康熙九年知縣品行廉介催科不迫造士多方均徭糧禁羨餘弭盜賊恤孤貧寬嚴相濟士庶感之立遺愛碑於西郊以識其德

梅錫 字爾止宣城進士十四年知縣剔釐積弊勵精圖治行取御史

永和縣

明李昇 蓋匠人洪武初舉明經任知縣坐事降五臺典史  
 以秋霜殺禾請賑獲罪百姓訴于朝特詔陞夔州  
 知府祀名宦

辛耀

卽墨監生二十三年以給事中授知縣廉明正直  
 爲政以農桑學校爲首累陞陝西按察使祀名宦

陳敏

交趾清化府永寧監生宣德十年訓導學行優長  
 師道尊嚴雅懷高趣多托題詠以見志九年考滿

陞本學教諭景泰七年任滿乞休因兵革不可歸占籍  
 於永詔給原俸終其身

胡貞

扶風舉人正統五年知縣持身蒞政動有準繩修  
 學校築城郭嘗捐俸買牛數百以給貧民祀名宦

管清

餘姚人正統間縣丞修理學校有功至今人稱誦  
 之

穆恭

宿州舉人成化間知縣持身廉介愛民若子常巡  
 行南畝集農夫與論耕桑樹畜有不足者捐俸買



牛以助之士民被澤至今稱頌祀名宦

劉欽 館陶人正德元年訓導持身清苦聚集多士朝夕督誘雖隆冬盛暑不倦歷六年士多有造間有圖像崇奉者祀名宦

吉顯東 長安舉人十六年知縣賦性剛直蒞政勤敏周貧乏助婚喪人至今稱之

陳鈞 祥符舉人嘉靖八年知縣實心仁慈蒞政公溥撫恤窮黎振厲士風

郝聰 栢鄉監生十五年知縣實心為民歲旱禱雨即應

賈執中 威縣監生十五年訓導師範尊嚴雅善作人歷任五年陞五臺縣教諭諸生依依不忍別去

曹文輝 安定監生三十五年知縣賦性嚴明人不敢犯重學校緩催科士民德之

王琮 鈞州監生二十七年教諭歷任甚久清苦如故涵養深邃陶育多方晚節尤極恬退

方琮 固原監生三十年教諭外和內剛公正朴實士之貧乏者却其束脩婚喪不舉者助之息義兼盡士多慕焉

閻威 商丘監生嘉靖間訓導實心廉恕日聚諸生講習卒于官諸生如喪私親

楊自然 平度州歲貢隆慶四年知縣存心廉介敷政公平革俗弊禁差役士民頌之

于建隆 開化歲貢萬曆間知縣操履貞嚴踰年致仕東裝無具隰州守親臨祖餞忽報地陷得宋古錢一窖守日此天為廉吏賜也命市之以為資斧一僕負傘徒步而歸見者莫不嗟歎

國朝鍾慶豹 宛平人順治初典史六年賊至眾皆逃慶豹獨誓堅守城陷不屈而歿邑人痛悼之贈夏縣主簿省祀忠烈祠

武士豪 真定縣進士十年知縣立社造士城垣廟宇無不修葺祀名宦

歷代大臣文武諸司

周召公奭

周同姓相武王以布化循行舍於甘棠之下後人思之愛其樹不忍傷在今垣曲地及武王克商陝以東使公主之文獻通考云垣周召分陝之地東北有邵原古棠木後魏置垣為邵郡邵縣皆取召公食采之意也

漢韓信

淮陰人漢二年為左丞相與灌嬰曹參俱擊魏王問鄴食其魏大將誰曰柏直王曰是口尚乳臭安能敵吾韓信騎將誰曰馮敬曰雖賢不能當灌嬰步卒將誰曰項它曰不能當曹參信亦問魏得無用周叔為大將乎及聞用柏直也而曰豎子耳遂從夏陽以木罌渡軍襲安邑虜魏王豹定魏地為河東郡

曹參

沛人從韓信擊魏王豹於平陽盡定魏地後封列侯食邑平陽萬六百三十戶

周勃

沛人從高帝以功封絳侯遷太尉文帝初為右丞相後免相就園每以兵出入有告勃欲反者下廷

尉捕勃用薄太后言乃持節赦之復其爵邑

黃霸

字次公陽夏人少學律令為河東均輸長以廉察稱

鄧禹

新野人佐光武迎擊更始將樊參於解南遂定河東承制拜李文為守以鎮撫之為中興功臣第一

西魏王思政

太原祁人漢司空允後秀武之立預定策功封祁縣侯總宿衛兵鎮弘農除侍中東道行

臺及取宜陽以玉壁險要請城玉壁鎮之大統八年東魏高歡擊魏入自汾絳連營四十里宇文泰使思政守玉壁以斷其道歡圍玉壁九日士卒多死不克而還後為荊州刺史舉所部韋孝寬自代時稱知人

韋孝寬

杜陵人西魏時為晉州刺史移鎮玉壁兼攝南汾州事高歡以大衆來攻連營數十里盡攻擊

之術孝寬咸拒破之歡智力俱困夜遁去西魏帝嘉孝寬功授驃騎大將軍進爵建忠郡公

東魏房謨

字敬放洛陽人秀武入關後以侍中兼吏部尚書攝南汾州事先是境接西魏士人多受其害

及謨撫接慇懃人樂為用增置城戍自是龍門以北西魏戍皆平

北齊斛律光

以并州刺史守平隴武平元年築華峪龍門二城於玉壁與宇文憲拓跋顯敬相持憲等

不敢動二年築平隴衛壁統戎等鎮戍十有三所韋孝寬以步騎萬餘來逼平隴光拒戰於汾水之北大破之俘斬千計復出平陽道攻姚襄白亭城戍皆克之於百姓有捍衛功明萬曆間知縣劉三錫令民創廟祀之

周搖

為晉州總管楊堅為定州總管妻獨孤氏自京師詣堅路經晉州搖主禮甚薄既而白獨孤曰公解

甚富於財限於法不敢輒費又王臣無得效私其質直如此堅以其奉法每嘉之及為丞相徙封濟北郡公

隋姚暹

大業中為都水監先是鹽池苦容水為患暹濟永豐舊渠兼築堤堰自安邑楊家庄西至臨晉五姓

湖以入於河容水不為害今名為姚暹渠

宋老生

未詳何處人代王侑遣老生帥兵三萬守霍邑以拒唐兵會秋雨不得渡踰月始濟唐兵由神

指徑至霍邑老生與戰馬蹶被擒處之祀名宦

唐劉弘基

高祖舉義兵弘基斬宋老生平霍邑又屯兵平陽由隰州趨河西擊劉武周大破之

竇琮

岐山人有武幹秦王收之與出入卧内引為統軍從平西河破霍邑授金紫光祿大夫從劉文靜擊

屈突通獲之進兵下陝縣拔太原倉武德初檢校晉州總管從平劉黑闥封譙國公

姜暮

上邽人從高祖平霍邑絳郡上言多見嘉納

李琛

宗室子歷蒲絳利三州總管武德中封襄武郡王後鎮隰州政尚寬簡中外愛服

崔義互

太宗時拜隰州都督長史有美績

李嗣真

趙州人永徽初以御史中丞巡撫河東薦宋溫瑾表嘉祚李日知授州縣職皆至顯官及來俊

臣用事上書諫不納出為潞州刺史

李傑

本名務先滏陽人神龍中以季弟擢第為河東巡察點陟使課最諸道詳慎有治譽歷官御史大夫

崔隱甫

武城人明皇時為汾州長史兼河東道度支營田使累遷刑部尚書東都留守封清河郡公謚

曰忠所至介潔自守明吏治在職咸以彊正稱之

王翊

河中少尹領節度時悍將謀夜斬關逐翊翊覺之陰亂漏刻以差其期遂擒其將誅之一軍惕息

顏真卿

開元間以監察御史使河隴時五原有寬獄久不決天且旱真卿辨獄而兩人呼御史雨復使

河東劾奏朔方令鄭延祚母處三十年不葬有詔終身不齒聞者聳然轉河北招討使安祿山反河朔特為金城時軍費困約乃收監轉輸以濟用度後轉蒲州刺史令求宗屬之流賊中者隨所歸資送之

郭子儀

華州人以李光弼敗却山河東亂殺李國貞太原成鄧景山朝廷憂二軍與賊通以子儀為天

下兵馬副元帥進封汾陽郡王屯絳州時帝已不豫羣臣莫有見者子儀請曰老臣受命將死於外不見陛下

目不瞑帝引至卧内謂曰河東事一以委卿子儀嗚咽流涕誓竭愚忠至屯誅首惡數十人河東遂定

**李光弼** 柳城人天寶中代郭子儀為河東節度使兼雲中太守營壘麾幟無所更一號令而氣色悉加

整肅帥兵東出河上大將張用濟稍逗留召入斬之軍將股慄用兵謀定乃戰能以少覆衆後以中書令為河中尹晉絳等州節度使

**李晟** 臨洮人建中時以神策行營節度使兼河中晉絳等節度使聽為檢校兵部尚書充河東節度使憲為絳州刺史想為晉州刺史俱以治行稱各有傳

**渾瑊** 德宗時為河中同華陝虢行營副元帥與馬燧合兵討平李懷光之亂

**李自良** 泗水人貞元中充河東節度使居九年上下皆附卒贈尚書右僕射

**李景畧** 德宗時為河東行人司馬李說忌之回紇使梅錄入貢過太原說與之宴錄爭坐次說不能過

景畧叱之錄識其聲趨前拜之日非豐州李端公邪遂坐下坐中皆屬目焉

**鄭儋** 滎陽人德宗時詔授司馬節度河東軍兼御史大夫北京留守寬嚴公正得吏民心及卒所治軍民及旁郡邑皆為流涕上聞之輟朝三日贈尚書右僕射

**王鐸** 河中節度使河東自范希朝討方鎮無功兵馬府庫殘耗鐸補完畜費以致財用豐餘

**呂元膺** 東平人元和中以御史中丞改河中節度使時方鎮多務姑息獨元膺秉正自持人嚴憚之累遷吏部侍郎正色立朝有台宰望卒贈吏部尚書

**韋縱** 貞元十一年知安邑縣鹽池事審斷燭其衷曲羣情帖服利可興者輒興之四民稱便祀名宦

**司空輿** 憲宗時為巡按官戶部侍郎盧弘正判度支遣輿新立兩池鹽法其課倍入因遷權權鹽使輿以壕籬固鹽池之堤嚴盜鹽與鬻贖者之禁人無敢犯者

杜黃裳 京兆萬年人元和中為河中晉絳節度使達權  
變有王佐畧性雅淡憲宗時平章封邠國公  
嚴綬 華陰人為河東節度使治尚寬惠遠播政聲凡歷  
三鎮所奏辟位將相者九人憲宗時左僕射封鄭  
國公

李固言 字仲樞趙人擢進士為河中節度河漲壞蒲津  
梁行人以為苦固言至即除治

王起 太原人穆宗時河中節度使時方蝗旱粟價騰湧  
起下令家得儲三十斛斥其餘以市民賴以生每  
歲番使由於郡府逆旅郵傳苦之起至是待之以禮抑  
之以威無敢犯者

李聽 晟子文宗時遷河東節度使上常曰付之以兵不  
疑置之散地不怨惟聽為然

柳公綽 華原人太和中河東節度使遭歲惡樽費用輟  
燕飲衣食與士卒均沙陀感恩義故悉力保障

石雄 武宗時為晉絳行營節度使討劉禎禎危感其將  
郭誼密獻款衆疑其詐雄曰誼為禎謀主今來乃

自謀耳遂受誼降

崔彥昭 貝州武城人由河陽節度使徙河東撫循有法  
境內大治遷中書門下平章事每朝退視母膳  
與家人齒頰色和聲人多其孝子殷誥潞州刺史

李襲吉 乾符中舉進士為河東節度使為人恬淡其書  
多傳於世

陸位 以職方郎中兼侍御史總解鹽池有政績聞於朝

馮興 以詹事司直知解州鹽池平直守制阜財有經

漢楊承佶 沙陀部人為護國軍節度使為政厲而不苛卒  
於官蒲人乞表祠之

宋田紹斌 京兆人淳化間以忠果雄勇為解州防禦使兼  
領權鹽制置治民事神各得其道

宋搏 掖縣人真宗時河東轉運使上言大通監冶鐵盈  
積可備諸州數十年鼓鑄願罷採以紓民時邊事

未息博經制漕運以幹治稱

程師孟

吳人提點河東路刑獄崑崙等州歲荒無備民多流徙師孟請出祠部牒募民納粟置倉廩儲

之又開渠築堰溉良田一萬八千頃為水利圖經頌之州縣後官至光祿大夫

陳堯佐

閩州人真宗時為河東轉運使以地寒民貧仰石炭以生奏除其稅及減官冶鐵課十萬以便

民預防鹽池患築堤種柳民永以便

周沆

為河東轉運使時多盜鑄錢吏以峻法繩之犯者日眾沆乃命高估錢價盜鑄者無利不禁自息

包拯

合肥人為河東轉運使耿介自持令訟訴得徑自前陳曲直吏不敢欺時以拯笑比黃河清童穉婦

女亦知其名呼曰包待制京師為之語日關節不到有

閻羅包老嘗經度解鹽以通商販軍國賴之

杜衍 山陰人提點河東刑獄時高繼昇知石州人告與番族謀變逮捕繫獄久不決衍辨其誣抵告者罪

范祥

河東陝西轉運使制置鹽池事良法通商公私俱便

歐陽修

廬陵人慶曆初以右正言為河東制置使奏募民耕斫代崑崙等處廢田歲得粟數百萬斛又

以河東賦歛過重奏罷十數事有河東奉使奏章一卷見文集

彌大

河東宣撫使以請分兵為腹背切攻之圖故有是命張師正敗績於河東大誅之

顧臨

元祐初除河東運使有能名

張商英

四川人河東提刑以文學政事馳名

崔嶧

長安人進士及第累官河東轉運使會更錢法潞州大擾推其首惡誅之人心遂定後歷知同州鳳

翔河中以刑部侍郎致仕

徐徽言

字彥猷西安人靖康中知晉寧軍兼嵐石路沿邊安撫使金兵再攻京師宋為割河西三州隸

西夏晉寧軍民大恐徽言遂率兵復取三州金舊所置  
 守長皆出降又併取嵐石等州金益戒備克明若吳堡  
 津遣都統與晉對壘徽言出奇兵襲逐當是時環河東  
 皆已陷獨晉寧屹然孤墉橫當強兵勢不相抗徽言堅  
 壁持久撫摩疲傷召民之逃伏山谷者幾萬眾浮筏西  
 渡與金兵鏖戰且命諸將畫隅分守自致厥力以勁兵  
 往來為遊援金進攻不得志圖之益急晉寧俗不井汲  
 金兵壅絕河水人人喘憂徽言自度不支自間道遺其  
 兄昌言書曰徽言孤國思當厥矣兄其勉力事君乃置  
 妻子室中積薪自焚伏劍欲自殺左右號救金兵挾徽  
 言去金將婁宿就見徽言曰二帝北去而其為誰守此  
 我兵已南中原事未可知何自苦為徽言怒曰吾為建  
 炎天子守今復何所言歸見天子將以厥報太宗於地  
 下庸知其他婁宿舉戟向之覲其懼伏徽言意象自若  
 畧無懼意金兵知其不可屈遂射殺之事聞贈晉州觀  
 察使謚忠壯再贈昭化軍節度使徽言子岡同死事而  
 從孫適亦以守安豐死世著忠義

朱弁

婺源人建炎間為吉州團練使如金通問抗節致  
 忠英勇絕世祀名宦

金郭子通

亳州人旦之子大定間擢陝西西路轉運司都  
 勾判官時晉絳戶稅轉輸平涼子通監視之官  
 吏秋毫無犯二州民德之後為絳陽節度副使父老咸  
 曰此昔平涼憫恤我曹者今來民何幸歟甫期年大治  
 絳人畫像於天寧寺舍立石頌德終清河防禦使

蒲察鄭留

猛安進士順義軍節度使禁遊食之眾蓄兵  
 器之精陳辭友弟爭自平加意撫安盜自息

胥鼎

繁峙人尚書右丞持國子歷知平陽府兼河東南  
 路兵馬都總管建言利害十三事若積軍儲備黃  
 河簡將練卒之類多見採用及宣宗將南遷留為汾陽  
 軍節度使累官至平章政事封華國公

裴滿亨

臨漢人河南北路按察使建議多忠讜關國  
 計有藁輒焚歷州郡皆以善政聞

完顏伯嘉

字輔之猛安人進士歷官簽樞密院事知河  
 中府後以御史中丞權叅知政事元帥左監



軍行尚書省元帥府於河中控制河東南北路便宜從事時廷議欲棄河東徙其民以實陝西伯嘉上書諫曰中原之有河東如人之有肩背古人云不得河東不雄萬一失之恐未易取也復上疏曰河東晉安被山帶河保障關陝此必爭之地今雖殘破形勢猶存若使他人據之因鹽池之饒聚兵積糧則河津以南太行以西皆不足恃矣伯嘉純直不能與時低昂嘗曰生為男子當益國澤民其它不可學也由是毀之者衆元光二年遙授集慶軍節度使權叅知政事行尚書省於河中

楊貞

吉州人為河東招撫使築牛心寨以禦元兵及圍急命其子克讓克敬偕任禮厚俱歿之妻孟氏自經貞乃南望再拜焚香赴河而歿後屍橫水上門人張安石斂葬之祀名宦

孔祖湯

籍未詳為寶昌軍節度副使與移刺阿里合俱歿霍州之難

完顏賽不

狀貌魁偉沉厚有大畧屢立戰功興定中以樞密副使奉詔引兵救河東戰屢捷復晉安

平陽及河中三城封壽國公

從坦

宗室子安撫山西軍民上書言絳解二州民皆恃鹽布易米乞罷禁粟麥中條之南諸縣為陝洛喉襟乞加兵分戍平陸產銀鐵若以鹽易米募工煉冶可以廣財用備戎器而盜自息後為權元帥左監軍元兵至平陽城破遂自殺贈昌武軍節度使

郭用

為平陽提控興定二年元兵攻平陽用戰于城北濠垣被執不屈而歿

烏論古仲溫

猛安人舉進士累官河東鎮西節度使時中都被圍遂至太原移書安撫使賈益謙約以鄉兵救中都因馳驛入平陽將與益謙會於絳不能進抵平陽而還仲溫嘗治平陽吏民爭留之已而元兵至城破不屈歿

元石天應

興中承德人為陝西河東元帥下榮州胡瓶堡所至歸附木華黎以天應權行臺天應謂將佐

曰河中南控潼關北接汾晉西連同華實用武之地况  
地方五千餘里戶數十萬若起漕運以通餽餉則關內  
可刻期而定長河在吾目中矣遂移軍河中既而金人  
潛入中條圖復郡城天應知之遣吳澤伏兵要路戒之  
曰俟賊過半急擊之我攻其前爾擊其後可盡殲也澤  
恃勇醉卧林內金人從間道坎城而登火舉天應知敵  
已入左右勸其西渡天應曰事急棄去是不武也乃奮  
身角戰被執不屈而歿

**李伯溫** 行平陽元帥府事金人攻平陽弟守忠被執伯  
溫登堞樓以刃植柱刺心而歿金人執守忠至  
汴誘以高爵使降守忠大罵金人怒置鐵籠中灸之歿

**劉世英** 范陽人元初以收靈朔河東功充行軍副總管  
鎮守絳州撫逋招兵除弊起廢民附日衆弟亨

安襲絳州節度使亦以驍將稱經理有功亨安子貞歷  
知絳解二州民亦德之

**鄭鼎** 滎陽人讀書曉大義善騎射中統間累功遷萬戶  
侯導汾水溉洪洞田千餘頃建橫澗橋以便行旅

官至中書平章事封潞國公謚中肅洪民立祠下橋村  
歲時致祀

**吳從仕** 至元二十年行中書省以解鹽置司在路村村  
居野處公私通弊課失歲額思選廉幹委以大

計乃辟從仕權理從仕究弊源立新政偕運副王中順  
共議鹽法首以復遷司解州為便行臺允其議至元癸  
未遷司于解州既而歲課羨餘不啻倍蓰中順奏聞乃  
課其績以從仕為最遂改授承事郎充解鹽使

**奧屯茂** 大名人大德間任河東陝西都轉鹽運使司運  
使有惠政既去民立祠祀之

**時公權** 以河南行中書省右丞統兵隰州課士撫民練  
兵設備禦寇炳七寨之功保障貽二郡之福見  
正祀考祀名宦

**王利用** 長安人延祐間由翰林出為河東山西道按察  
副使文學政事交重於時

**護廩實** 至正間司榷有惠政鹽丁車戶就現在均派免  
其包累時有造船恒山二役諭有司免本鎮人

不與賣零鹽止收官價交課鈔免民充役定鹽草之價益鹽勛之數俱稱便民

卜顏鐵睦兒

為運使值國課告匱派及州縣戶口乃設法嚴緝私販課得充足鹽丁撈採不許衙

役侵擾修築渠堰不許豪滑倖免他如歸李氏之鬻子退張氏之爭婚俱稱善政

張德輝

交城人少力學為河東宣撫使下車擊豪強黜賊吏均賦役者蓋不遠千里來觀曰六十年不

復見此太平官府矣敬之若神明至元中參議中書省擢侍御史不拜德輝天資剛直博學有經濟才望之者知為端人

王思誠

滋陽人徙汝陽至治初舉進士歷監察御史累疏時政皆見嘉納出守河東廉訪司事異績著

聞召修遼金宋史累遷國子祭酒

高昌閻閻

陝西河東鹽運使有善政

兀顏帖木兒

陝西河東鹽運使有善政

察罕帖木兒

潁州泥丘人幼篤學常應進士舉慨然有當世之志至正十六年以平賊累官兵部

尚書時知樞密院事都魯節制河南軍調察罕與李思齊討陝西賊察罕鼓行而西提兵援靈寶賊渡河陷平陸掠安邑蹂晉南鄙察罕追襲之賊回扼夏陽津赴水虜者甚衆十七年賊陷商州攻武關趨長安分道掠同華諸州三輔震恐察罕領大衆入潼關殺獲以萬計餘黨潰散關中悉定十八年朝廷徵四方兵入衛詔察罕以兵屯涿州察罕即留兵戍清泚義谷屯潼關塞南山口以備他盜自將銳卒赴召而曹濮賊方分道踰太行焚上黨掠晉冀陷雲中鴈門代郡烽火數千里復大掠將南還察罕先遣兵伏南山阻隘自勒重兵屯閭喜絳陽賊果走南山縱伏兵擊之賊皆棄輜重走山谷其得南還者無幾乃分兵屯澤州塞碗子城屯上黨塞吾兒谷屯并州塞井陘口以杜太行諸盜賊屢至守將數血戰擊却之河東悉定復定河南以兵分鎮關陝荆襄河

洛江淮而重兵屯太行營壘旌旗相望數千里修車船繕甲兵務農積穀訓練士卒謀大舉以復山東二十一年察罕與疾自陝抵洛大會諸將水陸俱下進逼濟南城而齊河禹城俱來降南道諸將亦報捷東至海濱郡邑聞風皆送款下濟南詔拜中書平章政事知河南山東行樞密院事六月田豐王士誠陰結賊復圖叛田豐之降也察罕推誠待之數獨入其帳中及豐既謀變請察罕觀營左右請以力上從不許輕騎十有一人行至王信營又至豐營遂為王士誠所刺計聞朝廷震悼公卿及京師四方之人不問男女老幼無不慟哭者追封潁川王謚忠襄以子擴廓拜太尉中書平章事總父兵擴廓既領兵柄啣哀討賊攻城益急十一月拔其城執其渠魁陳孫頭二百餘人獻闕下而取田豐王士誠之心以祭其父餘黨皆就誅山東悉平

擴廓帖木兒

察罕之甥自幼養以為子當是時東至淄沂西踰關陝皆宴然無事廓乃駐兵於汴

洛朝廷方倚之以為安孛羅自察罕既沒復數以兵爭晉冀帝雖屢解諭之而讐隙日深二十四年天子下詔

數孛羅罪削其官職而奪其兵孛羅不受詔遂遣兵逼京師七月太子奔於太原孛羅入朝據相位二十五年太子趣擴廓大舉以討逆亡何孛羅伏誅帝遂詔太子還京而擴廓亦扈從入朝九月詔拜擴廓左丞相居兩月即請南還詔封擴廓河南王俾總天下兵擴廓於是分省以自隨官屬之盛幾與朝廷等而用孫翥趙恒等為主謀初太子之奔太原也欲用唐肅宗靈武故事因而自立擴廓不從及還京師皇后奇氏傳旨令擴廓以重兵擁太子入城欲脇帝禪位擴廓知其意比至京師三十里即散遣其軍由是太子心銜之二十七年八月帝乃下詔命太子親出總天下兵馬分命擴廓以其兵自潼關以東肅清江淮擴廓扞拒不肯受於是貊高關保等皆叛擴廓關保自察罕起兵以來即為將勇冠諸軍功最高而高善論兵尤為察罕所信任及見擴廓有不臣之心故皆叛之列其罪狀聞於朝舉兵共攻之十月詔落擴廓太傅與弟脫因同居河南府從行官屬悉令還朝擴廓既受詔即退軍屯澤州詔又命秃魯與李思齊張良弼孔興率兵東向以正天討二十八年詔削

奪擴廓爵邑令諸軍共誅之二月擴廓退守於平陽而關保遂據澤潞二州以與額高合七月額高關保進攻平陽擴廓氣稍沮一日謀知額高分軍掠祁縣即夜出師薄其營掩擊之大敗其眾額高關保皆就擒既而擴廓上疏自陳其情恫帝尋悔悟下詔除其前非於是明兵已定山東河洛中原俱不守閏七月帝乃下詔復命擴廓仍前河南王孫翥趙恒並復舊職以兵從河北南討擴廓自平陽退守太原不復敢南向事已不可為矣已而明兵迫京城帝北奔及明兵至太原擴廓棄城遁領其餘眾西奔於甘肅明祖常語羣臣曰誰為好男子者眾以常開平對曰常遇春吾得而臣之若王保保吾不得而臣之也真男子也保保即擴廓也

明常遇春

懷遠人洪武初授副將軍同徐達北伐平河北諸郡攻大同平河東諸郡入秦盡平關隴戡定功績十居八九還兵次柳河川而卒追封開平忠武王

康茂材

蘄州人榮祿大夫同知都督事兼太子右帥府使洪武初守禦蒲州等處造浮梁以濟黃河以

官鹽易粟官民兩便發倉賑饑全活甚眾既去民為立德政碑

黃常祖

字邦經涵江進士永樂中授行在刑部主事轉員外郎工部尚書吳中董營建奏為屬采木於

山西湖廣時督促嚴急常祖為上為下悉心殫智事集有緒民得息肩以少師楊文敏薦陞山西右叅議山西地瘠民貧值歲凶多流亡常祖奏乞招徠聽免徭役三年悉復業平陽界上有盜聚千餘為害常祖推誠諭之不旬日皆降附正統十年致仕歸

祝顥

字惟清長洲進士正統間山西布政司叅議專督糧儲時大寇之後倉府空竭饑民流散顥招亡拊

存條法委曲不加賦而公私皆給進階右叅政仍專督糧事如故顥以晉俗少文思振以儒術舉禮義興學校臯陶祠墓在洪洞其旁近地里傳舍舊皆以神名名之乃葺墓建祠題曰有虞士師祠而止其觸犯又作二賢祠於聞喜以祀裴晉公度趙忠公鼎新明道先生祠於澤州以伊川先生及郝左丞經配廣選俊秀以充生徒

條教周密隨材成就正冠服飭威儀勤察試親為教授諸生呼為祝夫子顯吏學精甚律令條例通練如指掌疑情滯獄立能剖決而明慎矜恤每多平反天順中汾州妖人作亂僭稱李天三年號天福顯一聞變飛檄戒守禦嚴備無輕動自戎服馳赴之既至賊就擒纔十六人餘皆脇從而攀援逮千餘人三司皆不敢簡別顯曰千人同謀不待聚而遽發且吾等既不能戢惡而又顧傷善類邪不可衆曰然則祇應以盜聞耳顯曰盜何事以年號為哉罔上規免尤不可也乃以十六人為謀反已行上奏得旨一如所議至决崞縣囚斷襄陵爭財處絳州武斷莫不稱善其他善政不可殫紀凡周巡道里往往駐車問民疾苦封內名山大川及古聖賢宅里祠墓輒登臨謁奠賞弔吟賦風流粲然

劉忠

字德誠濮州人景泰時授監察御史以直道左遷復起為御史累官山西參政時凶荒民嘯聚垣曲山中千餘人剽掠鄉村民甚苦之乃單騎入賊壘推赤心撫諭其衆曉以禍福衆感泣棄兵器羅拜遂為良民

垣曲以安後為都御史巡撫延綏中外咸服

胡謐

會稽進士成化間以僉事進提學副使品藻人才高下不爽政暇手不釋卷山西從無志草創自謐質而不俚詳而有體轉本省參政

何喬新

字廷秀廣昌進士成化間巡撫山西以稷山土瘠糧重民多逃竄奏減夏秋稅糧照依折納籽粒例以撫逃民制可明年陞北京刑部侍郎例遂寢二十一年山西饑人相食即命喬新賑濟得便宜行事因請內帑淮鹽銀及鬻祠部僧道牒得粟數十萬石分部賑卹又憫饑人疏溝渠出粟償直凡活人三十萬復申明稷山前例減加倍糧價銀數萬民至今賴之喬新性嚴毅學識精敏居官清廉慎勤始終如一仕至刑部尚書卒謚文肅

孟淮

博野進士成化間河東鹽運使因池鹽旁行秦豫法難盡行且占種奏討者多不勝掣肘之慮請如

淮浙之例遣侍御監臨積弊一清

**王臣**

吉水舉人成化間河東新設巡鹽御史首膺命以臨殫心經畫築垣塹以弭盜定額課以足邊法紀

森嚴豪強屏跡及代商人匍匐入都願借一年蒙允後以拮据靡倦卒于官商民為立忠愛祠與池神並祀

**喬岱**

字希申章丘人弘治辛酉鄉試第五人官長史明年第進士授行人選御史以忤劉瑾謫教授歷陞

山西僉事提督屯田帶管河東道岱長於刑名歷任歲深事無巨細莫不迎刃而解州縣吏民有事案下者或不解行囊而決斷歸以母老致仕

**胡瓚**

餘姚進士弘治間運司同知才識敏練時場積餘鹽官民俱苦之瓚建議奏請改派稱兩便焉中場

收放鹽課多則病民少則病商瓚一歸于平後致政去

**胡止**

羅山進士正德間以監察御史巡鹽河東方肅蹇事適流賊擾亂所至屠掠將至運城運人以城陋

欲潰止曉以忠義治兵繕城為死守計賊聞有備不敢近士民賴以安堵立祠祀之

**張士隆**

安陽進士正德間巡鹽御史先是商販鬻鹽由河東達河內阻於中條攀嶺而走羊腸士隆鑿

山通道商得方軌又創書院以造士科第蔚起

**華津**

字濟之無錫進士正德中山西右叅政分守河東道搜剔利弊罷行惟允發私賄以正官邪禁戢豪

強尤力居二年上疏乞休不許會車駕西幸境內一切供應之事夙夜調度者凡三閱月繼聞再幸之報同巡撫都御史至代殫力繕備又越二月疾作返卧司廨月餘遂卒時稱津簡而惠恭而介有君子之道

**暢華**

字子實隴西進士嘉靖初為山西按察司僉事以河東屢值凶荒勅華分巡河東弭盜安民時論偉

焉有倡白蓮教者取其人以禍福禮義諭之其人感泣即散其後倚氏以此教株連者甚多人乃感華之德任三年致政歸

盧煥 光山進士嘉靖間巡鹽嚴重有方畧稱名御史西姚劇賊聚眾盜鹽為蠹煥不動聲色而靖之興起人文三省皆蒙教澤學校誦之不衰

余光 祁門進士文望魁西臺著作高古視鹺河東剔弊釐奸不畏強禦建正學書院加意作人雖童子亦擇師教之

陳講 遂寧進士嘉靖間提學副使寬而有制品第士類人咸服其明建河汾書院萃士之良者課業有程多所造就歷官副都御史巡撫山西增築城堡邊境賴之贈兵部右侍郎

喻時 光州進士嘉靖間巡鹽時奸民誘宗室亂法者立置之法課士多成名

趙祖元 字宗仁東陽進士嘉靖間以刑部員外郎出為山西僉事分守河東丙辰地震蒲州境覆壓過半盜乘之蝟起抄劫晝行祖元設方畧解散其黨而悉籍其金錢之無主者數十萬官貯之且用新其城塹境

以無事俄遷江西參議秩滿復遷山西副使丁母憂歸

袁士偉 肥城進士嘉靖間鹽運使操守光大兼有通才在司值歲凶道殣相望歎曰此非朝廷赤子乎乃悉召貧民給以工本令入池撈採課充數年而存活亦以萬計又增秩祀名宦

程紳 字伯書青州進士嘉靖間山西參議分守河東道蒲州城西偏黃河河侵勢甚危紳急築之旬日告成蒲俗競奢靡婚葬非備不舉往往暴露廢室家紳為禁約月餘襄葬合子女者數千家舊叅藩不與戎務巡撫以紳嫻武畧檄守要害所守城堡二十餘處賊不敢犯民賴保全立生祠祀之

尚惟持 羅山進士嘉靖間巡鹽自奉節儉官方肅清商人以時掣支私販一切斷絕故一年而徵十年

之速修書院立社學建名宦鄉賢二祠周子衿之匱乏給老病之資藥瑞鹽盛生禱雨多應人謂盛德所感

周斯盛 寧州進士嘉靖間以南畿提學御史轉山西副使督學政魁岸自居貌恭氣和敦本尚質黜浮



崇雅視諸生若子弟廉而好修者禮重之病者醫治之婚喪不舉者周貸之品第晉士高下洞若燭照擇俊士館於河汾書院日省月試文教大興他如續修通志修繕學宮俎豆鄉賢表揚節孝美政甚多士人立祠祀之

**李禎** 新昌進士嘉靖間巡鹽時邊餉火急赤地千里禎體仁行恕正鹽籍遏私販督撈採辦功罪徧喻所司緩刑薄稅且於院前開道樹坊寓賑於役又有教育多士之功

**周滋** 諸城進士嘉靖間巡鹽時值地震之後凡廟祠公署悉為修理池不生鹽已十載餘滋為濬水以養其源濬流以潤其涸獲鹽十倍於昔清地築堰雖藩府之怨不恤

**王諍** 永嘉進士嘉靖間巡鹽抗直不阿有古大臣風以水漿名堂蓋自砥也值大旱禱雨祈鹽引躬切責甘雨大霑鹽花盛生時鄆懋卿為嵩私人總巡天下鹽政盡括民財以媚上欲加賦河東諍抗議而沮士民至今德之鄆至安邑令治具看席三十餘諍大怒立命撤去務從儉約宴罷即具餞以促其行鄆屏氣而去

**宋勲** 商丘進士隆慶間巡按任道黠法尚德緩刑虛已延訪興利剔弊不俟終日察羣吏得失舉當名實釋冤抑表節孝隱德名賢式間咨詢不憚煩勞視諸生如子弟執策競進品第曲當八郡顯然向風終吏部尚書贈太子太保謚莊敏

**郃永春** 長垣進士隆慶間巡鹽清祿糧以杜奸欺收硝池以弭私販題南陽以復舊轄興書院以羅人才疏河渠以通水利開南場以便撈採俱功之不可泯者

**張夢鯉** 萊陽人萬曆間糧儲道督通省田糧派有額徵如期革櫃頭為官收之例晉民稱便後任右轄董理鑄錢其利大行纂修賦役冊書悉出手裁永為經制後任左轄各屬進解京邊銀不入司祇以文檄相轉給宗祿均鹽鈔省班價不餽一毫餘羨咸稱頌之

**王基** 號對滄青州衛進士萬曆初太同知府陞分守河東道興利剔弊保釐多方十一年復任河東道人

皆鼓舞歡呼迎者塞路下車問民疾苦如家人父子惠政周洽十六年巡撫大同累官戶部尚書

梅友松

內江進士萬曆間分守河東道練達吏治洞徹人情除奸貪疏冤滯機畧雄沉兵民感服累官

總督宣大軍務

趙燿

掖縣進士萬曆間分守河東道清嚴狷介人不敢干以私累官遼東僉都御史

林國相

閩縣進士萬曆間鹽運使蘇商惠民尤加意於作人創義倉置學田以周貧士刻厚生纂訓問

字錄二書行世祀名宦

喬學詩

東阿進士萬曆間分守河東道與廉懲貪愛民作士每以篤誠醇正率下人亦不敢欺陞廣東

布政

畢自嚴

號白陽淄川進士萬曆間分守河東道持躬方正每以興教化端風俗為已任時絳州辛全家

貧力學年二十七尙未婚娶日究心於聖賢之學不事舉子業亦無知者自嚴聞之造其廬叩所學大為稱賞曰周程之流也言於督學使南居益南亦推服因開場絳州召全試以策送衣巾於家為弟子員復檄州為謀婚娶後全以理學名於時自嚴成之也至除暴安良境內大治歷任戶部尚書

詹思虞

常山進士萬曆間分守河東道新學校以造士改教場以練兵強幹有為遠近瞻望其風采

汪以時

婺源進士萬曆間巡鹽刻意節儉一以鋤強字弱為主餘鹽餘銀屢疏執奏為民請命省公用

銀糴穀三千八百餘石為賑饑民鹽丁之用又建太陽廟以補正祀之未及

龍膺

字綸隱湖廣武陵進士博學有才幹長於詩詞萬曆間分守河東道絕饋遺禁贖緩除暴安良每所

履州縣進父老諸生而誨以孝弟力田之義夜必潛至城頭察有讀書聲及紡績聲次日即給以燈油之費聞有酗酒肆惡欺街罵巷者大為懲創兇惡屏跡良善鼓舞累官太常寺卿

陳儒 新建進士萬曆間分守河東道持已清嚴風紀振揚豪強歛跡境內肅然陞雲南參政

南居益 字思受渭南進士萬曆間提學副使律已嚴峻與人寬和校士必先行誼衡量不爽時稱水鏡

陞鳳門兵備參政累遷工部尚書李自成以為平章誘降不屈而歿

王三才 蕭山進士萬曆間督學副使文名擅海內居心廉介以空缺銀兩置儒學常平倉以濟寒士又

創建太原平陽考場歲省千金陞本省參政

張潑 樂陵進士天啓間巡鹽時有窮商五十餘家立豁其課杜超掣緩預報一切繁費悉行裁省懲積牙

之蠹葬無主之殍報竣後尚留金糴穀幾四千石以備災荒最遺惠者朝議加課特疏痛陳商苦獲免去之日商民遮道泣送

劉大受 泰和進士天啓間巡鹽酌量預報裁省添搭蠲不貲之腳價柴價免鹽丁之鹽銀草銀刪灘地

之蘆價清護池之侵地取回苦池租銀作餉募兵又有修學幾城諸大政

文翔鳳 字太清三水進士天啓間提學僉事博識高才力興古學藻鑑毫髮不爽有清蓮品河汾教小

子裁等刻以頌諸生士風為之一變直指疏稱二百年來未有之學尋陞南光祿卿以劾魏璫回籍

李日宣 江南進士天啓間巡鹽內絕私營外無貴態修入政橋以利人行應有建白不避嫌怨商民慕

之河東有育才館合秦豫晉三方人士敬業其中增置學舍又建弘運書院於運城迎邑紳曹于汴主之置學

田以供朝夕人謂鄒魯重新

來復 字伯陽三原進士天啓初分巡河東道文武長才

經濟偉畧時將多事預為城守計所歷州縣必驗臨城池督責修理後十數年流賊入晉平陽諸城不為

賊陷害者皆復之力也歷陞布政使所至治行卓越復穎悟過人文詞琴奕書繪皆臻其妙即醫卜星占靡所

不精至不拜魏璫祠人尤稱之

焦源溥

三原進士崇禎間分守河東道時流寇猖獗依稷山為巢穴絳垣諸邑騷然溥精於韜畧練步

卒五百人號黃虎將簡選僧兵百人善以少擊眾排營布陣變化如神遇賊於聞喜張祁手刃兩巨寇擊殺無

算後率兵搜山寇莫能支道入河南晉地遂平累官宣大巡撫李自成入關誘以偽總督大罵不屈賊磔殺之

王與孕

新城進士崇禎間巡鹽寬嚴互用奸宄屏跡革勒民撈採以塞弊竇恤壓待商人以蘇孑遺會

流賊近城孕素得民心且執法不貸協力堵防運城無恙

吳姓

興化進士崇禎間巡撫時平汾潞澤流賊競起姓提兵數千出奇殲之每行軍隨周易一冊時時箋

註久之成帙歲大比同督學袁繼咸取閱省知名士於三立書院講藝課文出俸餘廩餼諸生及放榜中式者

多出門下清慎廉靜有古大臣風

呂遜

濰縣進士分巡河東道崇禎四年賊首王家印迫郡城參將李淮出戰失利遜嚴兵拒守會巡撫宋

統殷督兵臨城下賊走翼城

尤世祿

榆林人崇禎間陽和總兵五年十二月掃地王一斗穀混天王自絳縣至垣曲據劉張阜落二

十餘村世祿提兵至斬賊三百餘級賊潰東走河東保全

楊繩武

彌勒進士崇禎間巡鹽政持大體凡事游刃而解不假手于左右劾貪吏招逃商又特疏民間

疾苦乞免包差之累賑饑民養貧士捐俸贖以葺文廟池神廟表忠祠極重武備修城練兵殆無虛日聞秦寇

逼河躬率士卒沿河堵坊民賴以安去之日行李蕭然商民無不嘆泣

姜思睿

慈谿進士崇禎間巡鹽時值歲歉首出三千金煮粥哺之國課告匱羣商就斃疏復戶口乃得

生全於四門外置漏澤園共五十餘畝暇則立社課士且置田以資之

葉廷桂

號藩實商丘進士崇禎間分守河東叅政器量恢弘才識明敏威望鎮懾豪猾歛跡癸酉流賊

五千餘自平陸至垣曲掠王家嶺廷桂檄守備閻鎮國都司薛敏忠領兵擊之斬賊甚衆後值歲歉饑民攘亂以嚴禁獲安

汪喬年

字歲星遂安進士崇禎間分巡河東道布袍蔬食自處儉約視民疾苦不啻身受精明練達人

不敢欺常行部有供設豐厚者曰值此民窮財盡之時做官當爲國惜財爲民惜命無論其他只此一盆火可

當中人數日餐盡令撤去一時貪墨者皆爲斂戢未幾陞陝西提學累官總督征李自成歿於陣

曹文詔

大同人生有異兆恢畧有大度初從經畧熊廷弼閣部孫傳廷俱以戰功顯崇禎二年入援授

副總兵補延綏東路四年流賊數萬自陝西渡河蒲縣一帶震驚文詔襲其後一戰於金定支村再戰於百家

原復戰於明山賊首王嘉印點燈子授首餘賊潰散至今晉人思其功推臨洮總兵掃靖邊氛平可天飛殄鐵

角城六年七月賊數十萬自濟源至垣曲城外俱爲所據殺掠慘毒文詔統兵至臯落鎮勦滅紫金梁老猗猗

邢紅狼諸賊垣曲圍始解十一月賊二郎神顯道神等焚掠郡西州縣文詔督兵征勦復隨總督陳奇瑜征秦

豫令參將賀人龍駐東關虎大威駐郡城大威斬二郎神解汾西圍八年同孫守法擊高應祥張獻忠蓋屋南

山下大破之生擒高應祥獻俘京師張獻忠遁入蜀抵豫解睢州之圍回秦解商州之困以揄部窺宣雲調守

大同揄部遂不敢東下文詔三平晉亂出奇制勝有古名將風後援秦以孤軍遇賊於真寧和尚原力戰而沒

天下惜之

虎大威

籍未詳任參將六年總兵曹文詔委駐郡城力戰破賊解汾西之圍二郎神授首隰州水頭等

處流賊土賊各據村寨大威偕參將賀人龍勦滅之八年流賊千餘自絳縣至垣曲破馬村堡大威追至瞽塚

村斬殺甚衆賊首混天王等及賊二百餘人勢窮乞降巡撫吳甡密檄大威至翼城設計悉斬之

吳阿衡

裕州進士崇禎間分守河東道偉質長才威望素著盜賊遠遁地方安靖累遷薊遼總督殉難

楊鶚 武陵進士崇禎間巡鹽時連值歲歉糴米於太汾秦渭徧給窮民又築敵臺增新兵河南土寇崔惟一聞風潰散

盧友竹 崇禎間運司同知清潔不染攝總司篆痛革陋規禁衙役覆隱匿又增兵濬濠為城守計臨機應變調度有法

李一鰲 號虹西南鄭進士崇禎間右布政司修東關城砌以磚建朝陽薰風二樓壯一郡大觀

趙民懷 籍未詳任叅將十二年流賊自西北至郡城擾亂土門田村等處民懷迎擊於金訖窩大敗之斬首無筭賊走陝西民賴以安

陳純德 湖廣進士以召對授御史崇禎間巡按山西慈祥愷悌視民如傷無赫赫之名而奸墨屏跡疏請發帑十萬以賑濟民甲申巡按直隸聞賊至匹馬入京城陷自縊

朱之馮 籍未詳巡道十五年春創建敵臺設常平倉以餉召募新兵委衛官李承金訓練平陽管奉調援豫至沁水兵噪而還之馮招安之斬叛首李胡等二十餘人服其濟變才

李士焜 籍未詳崇禎末巡道猷畧素著丰采凜然十六年冬闖賊陷西安分遣賊眾履冰渡河破吉州鄉寧等處士焜嚴守城池賊將白鳩鶴李友自榮河竊渡行闖賊偽牌至郡士焜碎之斬其使

國朝黃徽孚 晉江進士順治元年巡按時晉初定民竄山谷風鶴成警徽孚單騎開諭殘黎復業闖據晉徵賦強半疏請偽官已徵者盡豁之初雁闖亂晉民多成義者悉舉狀以聞至於表薦鄉紳以求錄用請立學臣以育人才嚴禁許告以安窮民請復站銀以蘇驛困開國之始實嘉賴焉

申朝紀 奉天人二年巡撫剛毅明敏下車劾貪吏數十人羣僚肅然晉驛舊額站銀十五萬崇禎間裁

充軍需驛費不足州縣濫用私派私幫浸至二十萬民甚病之朝紀廉得之疏請站銀仍歸正項私幫悉為禁革驛馬官飼養不得累民勒石諸郡邑晉民全活甚衆至於清獄囚裁吏胥禁差役不得拘禁人犯革募夫不得僉報里民佐貳官受詞者飭無貸種種德政民感之建生祠歲時致祭

**嚴正矩** 號潔庵孝感進士十年守道才器恢弘剛正有守時陝西賊許二王世魁據垣曲瞽塚山正矩遣兵搜勦斬賊甚衆餘黨盡散

**班璉** 號華宇奉天貢生十二年守道威望素著時巨寇張五盤據夏縣山中剽掠村墟百姓苦之璉會滿漢兵討平地方以寧陞莊浪副使

**薛陳偉** 號彤許祥符進士十三年守道深沉有智境內寇黨劫掠陳偉不動聲色密授方畧而寇無能脫者民始安堵陞薊州副使

**范印心** 河內進士康熙四年守道時公署移駐郡城民甚感其德至今祀府縣名宦

**張瑋** 字佩絃歷城武舉二十二年蒲州守禦所千總有惠政于民至今稱之

**張鵬翮** 字運青遂寧進士二十四年以清廉素著廷臣會推河東運使到任覈引通鹽恤商利民濟渠厚堤不費公帑操守清正內陞京堂

**劉顯謨** 號元公奉天監生三十一年守道時歲當大饑斗米八百文百姓流亡道路死者日數十人顯謨每出輒痛哭曰民生如此有司忍匿不聞耶力請撫軍設立粥廠全活者甚衆又徒步禱雨烈日中感疾百姓皇遠失措日禱城隍廟願以百身代顯謨病篤時尙呼家人問雨者再屬吏問疾則曰汝輩誤我百姓至此復何問也歿之日民皆哭失聲如喪私親樹碑關城外曰墮淚碑迄今蒲人猶有泣下者

國朝賢監司以顯謨稱首云

汪灝 字文漪臨清進士四十二年由翰林院侍讀督學  
 山西先是北直江南浙江三省用學院他省俱學  
 道他省之用學院自此始到任整飭紀綱矢公矢慎一  
 塵不染干牘盡絕衡文課士藻鑑不爽頌聲大作值  
 大駕西巡屢蒙褒寵時陝西學道需人 特命兼攝以一  
 身督兩大省學政自來未有也關中幅員萬里到處歌  
 頌與山右無異四十四年冬校士平陽未畢即陞河南  
 巡撫

巡撫都察院噶條約

噶公諱禮滿洲人

為申嚴禁令以裨吏治民生事照得三晉地方夙稱富  
 庶近以連年薄收在在困苦幸賴我

皇上厚澤深仁屢蠲屢賑始獲起色官斯土者若非洗滌  
 肺腸盡去舊習何以登斯民於衽席本都院自部郎以  
 歷內閣廿有餘年於此中民情利弊頗已周悉茲者欽

承

特簡出撫是邦凜遵



聖訓惟知茹藥飲水嚴釐弊藪懲蠹除貪與民休息以仰副

皇上子惠元元之德意而已舍是之外別無瞻徇所有訪聞應行禁飭事宜合行曉諭除飭行藩臬二司及驛糧提學分守各道運使都司外爲此示仰撫屬府廳州縣衛所官吏及協營弁目與士庶軍民人等知悉即便遵照後開禁條逐一警惕萬毋視爲具文以身試法自取噬臍之無及也慎之凜之

一化民成俗總不出欽奉  
上諭十六條一敦孝弟以重人倫一篤宗族以昭雍睦一

和鄉黨以息爭訟一重農桑以足衣食一尙節儉以惜財用一隆學校以端士習一黜異端以崇正學一講法律以儆愚頑一明禮讓以厚風俗一務本業以定民志一訓子弟以禁非爲一息誣告以全良善一誠窩逃以免株連一完錢糧以省催科一聯保甲以弭盜賊一解讐忿以重身命斯皆我

皇上勵精圖治加惠元元備極教養之德意凡親民有司已見之實力奉行者無不著有成效聞晉省屬員奉行

者固有而實力者罕聞嗣後如遇朔望宣講上諭日期該文武官弁務須預集士庶兵民一體祇聽共期凜遵市鎮鄉村俱責成者老義民及齒德兼優之鄉約按時宣講有能實力奉行著效成速者本都院定當

獎薦否則以懈怠紀過決不寬恕一州縣衛所徵收錢糧自應聽納戶自封投櫃不容私置大戩重耗加收乃訪聞晉省經徵各官尙有因循陋習每兩竟加至一錢五六分甚至二錢三錢不等者吸民膏而干

國法莫此爲甚知府與直隸知州利其掛驗分肥寂不過

問尤為可訝嗣後敢有仍蹈前轍重耗加收及收納糧米淋尖踢斛濫加耗羨縱容積書里蠹需索填單掛號包收攬納與夫濫差白役拘及婦女幼童種種虐害糧戶者或被里民公同陳告或經訪聞得實定即官叅役處不貸

一私派私徵久奉

嚴綸禁革晉省前以備辦軍需二三不肖有司不思朝廷動有正項乃敢借名派累浮冒錢糧業經前院遵旨懲創在案今計虧空累累俱應於經手各官名下追補誠恐猶有指藉未完名色串通里棍積書橫徵派補亦未可定嗣後敢有指藉虧空銀米派及里民一絲一粟或借稱餽送上司節壽苛歛虐民者許受害里民登印公同赴轅陳告以憑叅拿究問總之正供之外不許一毫雜派牧令愛鼎宜各慎旃

一州縣與民親切民有冤抑理應即與平情剖斷方不愧為民父母乃本都院披閱告訴詞狀多有開寫問官偏徇縱蠹及監衿把持等弊雖其中或有健訟刁民摠捏希准然官吏積竄因循苞苴是逐亦未可謂盡無其

人今後有司凡准理事件各宜持廉秉公平允聽斷取具確供明立文案以示至公敢有縱蠹濫差受賄徇將詞內不須對質之人違例拘擾株及婦女幼童沉延淹禁及明知係自盡人命率意詳報檢驗藉端生事并縱捕誣良為盜濫用重枷大板酷施拶夾以致苦累無辜良民者一經體察得實輕則紀過重則叅拿說事過錢人等一體按律同坐蠹役有犯立斃杖下萬不姑容各宜凜之

一保甲之設原以禁暴弭奸比來晉省盜案日繁總由州縣各官平日漫無稽察致使奸徒匪類到處得以潛踪窺伺孤商公然劫奪甚至殺命拋屍失主全斃塘兵鄉保竟不聞登時收捕任盜飽颺牧令冀諱失事巧稱讐殺案緝者往往不少可謂怠弛已極嗣後州縣印官務將從前編定保甲及境內寺觀嚴加申飭以杜窩盜窩逃如有面生可疑來歷不明無親友保認隻身之人一概不得容留潛住道路旅店亦止許暫停一宿即立促起行空窳冷廟無人居住之所俱令汛兵保甲不時巡察遇有劫盜竊發不論村庄道路通保俱要會同汛

兵齊出救捕若坐視不出事發卽究詰保甲但不得借申飭爲名重行造冊派及烟戶一絲一粟致干察究未便

一弁兵食

朝廷俸餉在城則專司防範在汛則責任稽巡是其職分况山右界處邊陲路當秦蜀

皇華絡繹商旅頻仍防護尤宜加意雖各路塘汛經兩總鎮時加申飭已極綦嚴然其間竊劫斃命猶往往不少

殊罕聞有登時擒捕者若非弁兵懈弛卽係鄉保玩不協助除已往外嗣後該協路營將弁務宜一體時加嚴

飭塘汛目兵勤慎巡防遇有劫盜竊發不拘晝夜俱要登時奮力收捕仍一面喊知鄉保齊出協援尾追務獲

倘敢坐視疎虞及該汛屢致失事不行登時擒獲者定將該管官以溺職會疏叅處汛兵嚴行責革決不寬貸

至於將弁尅冒餉乾私役士卒及干預民事縱容轄下兵丁生事擾害者節經奉有嚴例炳在章程又無庸本

都院再爲告誡各宜凜慎一三晉諸生素稱雅重頃凡與鄉試者本都院概得親

加察視其間潛修養勸勵志端方不事包攬錢糧不爲起滅詞訟不出入官府衙門卽無論有司長吏應予優

容而本都院亦樂以文字神交更深嘉尙第恐稠衆之中或有一二罔恤行止自爲暴棄者又不得不一爲告

誡以別薰蕕多士其各勉之嗣後該有司衙門仍照舊置立門簿一扇每日撥着門斗禮書如遇監衿謁見及

投進封口書稟者俱於簿內登註月日事由聽候本都院不時調查倘有隱諱瞻徇印官教職均爲未便

一晉地惡棍噬民爲害最烈總緣有司各官平日委靡瞻徇稽察懈怠致若輩得以明目張膽遇事風生或冒

旗放債重利磊筭子女或假稱逃人之主徑行搜捉逃人或聯結夥黨指逃報讐洩忿或在本籍犯罪潛去賣

身旗下回籍借逃行詐更有一種遊手好閒之徒不務本業結黨成羣身帶鐵鐮鐵圈借端擾害稍不如意動

輒捉人克毆辱及婦女或開場局賭詐騙良民種種爲非大干

國法此等奸棍久已孽滿罪盈法難少貸除現在密訪查拿外一經押解到轅本都院誓必嚴究詐害贓跡擬照

懲處光棍新例請

旨卽行正法以除民害嗣後州縣營汛務須加意禁輯如有前項惡棍實為虐害地方者俱登時嚴拿解處鄉保窩容并治以罪倘止係遊手好閒踪跡閃爍為害未有實據應速解回籍者卽速速解回籍應交着親屬保甲看管者卽速交着看管通取收領報查至失察賭博文武例有處分尤宜遍加查禁均毋玩縱致干咎戾一克徒忿爭聚眾執持鎗刀兇器傷人或圍屋搶毀財物及因事聚眾將本管官與公差勘事催取錢糧等項毆打綁縛者律例內俱分別開載真犯死罪及不分首從俱發邊外充軍為民等語煌煌 令甲煥如日星三晉俗厚民淳素知法紀當茲 盛世昇平安生樂業似不俟再加告誡第思昔年蒲州等處偶為不肖牧令悖旨私徵遂聚眾喧譁藐法拒捕若不蒙 皇恩浩蕩俯念事起卽官概從寬典不知二三不法之徒何以自解是皆忿起一時事後悔之得無危懼今本都院上叨 簡命總以察吏安民為事不問已往業經嚴禁重耗革絕

私派如官吏有陽奉陰違魚肉百姓卽叅官吏若百姓雖係受害不先赴轅陳告輒輕聽惡棍指使聚眾辱官卽將官民一體嚴叅設有二家因事忿爭聚眾執持兇器互鬪者事發皆按律懲處執法如山萬不移易官民各宜凜之毋負本都院披誠開諭至意

一禁止輕生訪聞山右有等無知男婦往往以爭鬪之嫌動輒服毒投繯俾親屬得以藉屍告訐為拖累彼家之計更有祖父自逼成其子孫男夫自逼成其妻妾希冀賴人忍心尤甚獨不思自盡律無抵償卽威逼人命亦必審犯人有可畏之威始以威逼擬斷折責四十板追埋葬銀一十兩給付屍親領埋若本無威逼而輕生自盡者概不比擬是何苦以父母生育之身一旦輕生甘入枉成城為祖宗貽玷為親屬兒女痛耶今後各該有司務宜責成鄉保遇有此等愚夫愚婦彼此爭鬪或致輕生者俱卽約會耆老以理勸解毋滋成釁有係自行逼成藉屍誣告者審實當以反坐論罪從來易俗必資教化萬勿以假命居奇借端吹索反長此刁風也遵之凜之

一訟非美事終訟爲凶非有極寃大屈忍之爲上乃晉地有等軍民聽信狀師惟以健訟爲得計或撫拾他人舊事連篇累牘違例粘單株及多人或事本細微粧架極大題目越次伸訴或原案已經結正復更詞翻告或捏指賍私並不開出年月日過付見証凡可任其踴張無不極其堆砌種種涉虛均干禁例本都院下車伊始念屬無知是以此等虛詞概不准理亦不提究嗣後非係陳告貪官污吏及人命盜案土豪勢要衙蠹里蠹光棍等重情俱不得違例越控卽有應控重情亦必遵用狀式註明代書姓名以憑察閱一切睚眦口角應消釋者宜卽消釋應向族長者老秉公處明者卽向處明慎毋輕投一字到官致滋曠時失業誤人適以自誤卽有事不容已亦應就近赴該管有司告理如有仍前涉虛將細事赴轅越控者除不准外仍提代書一併責治至于誣告反坐律例綦嚴一經批審屬虛必究勿謂本都院告誡不先也凜之勿忽

一騷擾驛迤節奉

嚴綸處分最重而違例擅騎尤干

功令查晉省沿邊驛

迤差使浩繁卽腹裏地方路當秦蜀章奏絡繹應付亦甚煩仍兼之以僻協衝無一在非屬緊要理宜蘇息乃訪聞向來司道府廳州縣衙門官役無論公私出入往往竟有借騎驛馬者名曰人情久遂爲例此驛旣應彼驛不得不從殊爲可愕除已往外嗣後再有仍蹈前轍許該州縣驛官卽時密稟報院以憑察究若徇情濫應致令馬匹疲瘦違悞差使一經察出干咎未便

康熙三十八年九月

日

爲再行申嚴禁令事照得懲貪莫若嚴去弊莫如盡三晉前以歲比不登閭閻困苦仰荷

皇恩屢蠲屢賑至今始獲起色是一家一戶莫非賴我

聖主愛養生全者也而嗣此尙有一弊未除一貧未處致令民生難遂在本都院固不敢安亦非諸司之所宜出

平陽府志 卷之二十一  
惟是告誡雖嚴賢否或異其間遵禁謹飭者固多而陽  
奉陰違間淑間慝者訪聞猶有其人相應揭示再禁爲  
此除檄發藩臬二司及糧驛提學分守各道運使都司  
外示仰撫屬官吏及士庶軍民人等知悉嗣後各宜凜  
遵先今條約事理有則改之無則加免共相安於無事  
之日俾本都院藉以上遵

聖訓早登斯民於衽席則始終飲晉陽杯水亦大有榮焉  
其或視爲泛常任誠罔改一經發覺有懲無宥勿謂告  
之不再三也

一三晉大弊莫如重耗雜派本都院蒞任以來業經屢  
示革除其違禁而叅革叅處者大小共已十餘員懲貪  
之法可謂嚴而切矣乃近聞各屬州縣衛所官弁雜派  
雖頗已遵禁而火耗一弊每兩尚有一錢五六分以至  
二錢者似此違悖

功令罔恤民艱該管上司全無覺察徇庇已極除現在親  
身體訪得實必叅外此後徵收錢糧稅課銀米豆草務  
必聽里民花戶自封投櫃不許重收加收不許淋尖踢  
斛不許作踐拋撒更不許縱令家人胥役需索一分一  
文違者聽叅失察上司並干咎戾其里民人等亦各宜  
急公輸納依限全完毋致捱延抗遁取咎未便

一晉屬各處驛站俱有額支正項錢糧訪聞從前管站  
各官竟有藉此以擾民者如白派合應過往客兵車輛  
如短價採買喂馬豆草如倒馬分派里民買賠如指名  
伺候各衙門差遣員役乘騎着令每里預備馬匹官蠹  
折乾名曰里馬如欲避科派里民花戶草豆之名將驛  
馬分發里甲喂養並不給發錢糧名曰養馬種種積習  
均屬累民今計客兵車輛已據驛道議詳批允給發官

銀現催及短價採買草豆與派民買補倒馬俱經出示及批行嚴禁在案細加體察而里馬養馬一弊雖非在在有之然積習相沿保無猶有大膽官蠹仍蹈前轍者除現在親身體訪得實必參相應禁革違者取究

一各屬塘汛保甲之設原以衛商民而辨奸宄從來有巡邏與稽察互嚴而竊劫尙敢肆行者乃申飭之令本都院與兩總鎮不啻諄切再三而被竊之家與道傍被殺猶往往有之謂非印捕防汛官弁平日奉行懈怠何可得也除保甲現在立法清理外嗣後務宜一體嚴飭塘汛目兵勤慎巡防遇有竊劫出沒不拘晝夜俱要登時奮力救捕仍一面協同捕役鄉保尾追務獲倘仍敢坐視疎縱以致地方屢有失事官印以溺職嚴參目兵捕役印以玩法拿究決不輕貸至於沿邊一帶盜馬積賊以及內地尙有一二奸宄之徒專一窺伺富室孤踪暗行竊奪罪惡貫盈已非一日本都院遍加察訪俱已備得姓名住址已拿者現在從重懲處其餘所以不卽立行拿處者猶冀其一旦改過自新卽屬良民耳此番曉諭之後再有不改本都院耳目雖遠採察甚週勢必

嚴拿杖斃決不少寬

一惡棍結黨聚會例禁甚嚴本都院下車之始卽已揭示嚴禁乃訪聞各屬內有一二不法之徒仍敢結黨成羣歛錢聚會或扛幫詞訟挾制官府取利或動持兇器羣毆良懦致成甚至有一種劣衿憊監及考職人員亦甘心流入匪隊者不少此等兇惡久已惡滿罪盈姓名住址本都院俱已體察得實除平遙之薛士遴業經咨革并據紛紛告究不日按律定擬以示懲創外其餘從前結黨作惡之徒果能今後改過亦未爲晚倘再執迷罔悟本都院所愛惜者止惟潛修之士與守法之民况旣告誡再三此番不省是終化不省矣一經提審得實定將結黨首犯按律懲處光棍之

新例請

旨卽行立法餘並照律重懲誓不寬恕欲自全身命者其各凜之

一賭博及以財物打馬弔鬪混江例開不分旗下兵馬官員有犯者俱枷號鞭責等語而開場與放頭抽頭之人尤嚴以加等遵行已久本都院幾經示檄申飭凡據有首告之案一皆嚴批重懲未嘗少寬原欲使不肖者

知改保其身家性命乃訪聞各屬地方賭風猶未盡息甚至有一二劣衿憊監及分汛弁目亦違禁聚賭者不知該管之官與各學教職其平日所謂禁戢覺察者安在也本應以溺職叅處一二以為其餘戒姑再嚴禁從來嗜賭之徒必係不顧父母之養不顧妻子之畜一旦家資消乏衣食無依勢不至於流為污賊流為盜竊而不止此等終不畏法之頑民則盡法懲處一二亦不足惜示後如或再敢藐違許該管官擇其屢犯不悛者解院親行懲處其餘各犯及失察之地方保甲人等仍在該衙門發落如或玩縱贍徇察出大干未便

一男女婚姻乃天地之大義既聘即一絲亦不為薄既配即終身自不容改禮義之間難容濶越乃見晉屬間有無知愚民往往愛富嫌貧將已聘已定之婚硬行另許富室富室亦受之不辭更有一二無恥之婦本夫出外未幾音信未稀衣食未缺即擅行改嫁而娶者亦恬然安之事由主婚者十之三孽起奸媒者十之七是皆忍心悖理禽獸所為殊甚髮指夫前此偶值歲歉或致夫逃別地不得食無以得生固無論已豈嫌貧悔婚夫

出便嫁亦

國法所宜容耶地方印官失教已極此後除原聘及本夫果屬逃亡杳無音信並無父母翁姑親屬養贍者方許照律告明官司准嫁外敢有仍前忍心悖理及禽獸所為者一經原聘及本夫告發地方官務必照律斷給前夫完聚仍將主婚及知情混娶奸媒人犯嚴行究懲毋曲法偏徇重干察究至於豪勢強奪姦占則又律嚴大辟有犯必誅斷不容少涉寬假也慎旃毋違

康熙三十九年十月 日

為特飭廣建義學以敦治化之本事照得義學之設即

古之社學

朝廷念民間俊秀子弟不能延師讀書 詔有司廣行教

育作興人才以風化其民甚盛典也乃今之郡邑城市



平陽府志 卷之二十一  
雖已設立多屬虛文鄉村遠在四隅依然絕響本都院  
臨蒞之始卽圖修舉緣晉省災荒之餘志切痾瘵尙非  
所亟茲蒙

皇上休養之恩暨

帝德感通之大年歲屢登流亡旣復况山右民多推魯動  
以睚眦殺命口角輕生或嗣續亂宗喪葬暴骨爭訟蔑  
序婚姻黷倫皆幼失訓詁致長悖禮法使民罹刑禍皆  
牧民之責義學之設不但訓誨其子弟亦復化喻其父  
兄不但勤勞于詩書章句之間尤在致力於德行心術

之本

聖教無一夫不聞則民風無一境不治豈虛文細故哉其  
所行須州縣印官各酌邑之大小村之多寡或應設義  
學六七處十數處卜其村隣遠近以期易于趨附每處  
葺治學舍數楹必慎擇品行端方教讀勤敏不論庠生  
布衣克稱其職者定以教讀之法凡童蒙到學令其識  
字讀書先教以跪拜揖讓洒掃應對又必先讀小學講  
明義理俾知長幼之序彜弟之義忠信篤敬之言行在  
家行之於父母昆弟出門施之于師長親友不得虛事

教讀致失大本至于營建學舍與延師廩餼無項爲難  
然鄉村多寺廟殿屋可居卽添置購葺費不甚大生儒  
一歲不過十數金而已崇

聖弘文得才教育治功並懋端在賢守令弁實心行政與  
縉紳衿士以得乎已者及乎人齊其家者厚其俗銳意  
興行無不速成當于明倫堂從常酌議應設學若干處  
所作何區置坐落某鄉卽議請齒德兼優之紳士以董  
厥成勿假胥役之手所延生儒第一緊要必學官與紳  
士公同慎選嚴絕鑽營其生儒三年五年之後教育有

成能風化其鄉者作何獎薦均須知府速督酌議合行  
飭舉爲此仰府官吏照牌事理卽便轉行各州縣衛遵  
奉將議定建學幾處坐落地方延師姓名一面徑報本  
都院一面由該布政司彙議詳覆必於歲內完備以期  
開歲元正舉行檄到州縣卽先出示通諭此本都院相  
望甚切不得延滯踵事虛文干咎如或州縣衛官借所  
費派及百姓一涉科歛以善舉滋弊本都院峻持憲典  
決不相貸也

康熙四十年九月 日



